



ODLUKA
o pokretanju postupka prestanka Društva sa ograničenom odgovornošću za realizaciju
aktivnosti održavanja Zimskog Evropskog olimpijskog omladinskog festivala 2019.
(„EYOF 2019 d.o.o.“)

(Prijedlog)

Predlagač: Gradonačelnik

Obrađivač: Gradska služba za opću upravu i
zajedničke poslove

Sarajevo, april 2019. godine



Na osnovu člana 176. Zakona o privrednim društvima Republike Srpske ("Službeni glasnik Republike Srpske", br. 127/2008, 58/2009, 100/2011, 67/2013 i 100/2017- Integralni tekst – prečišćeni tekst), čl.: 3 i 16. Zakona o likvidacionom postupku Republike Srpske ("Službeni glasnik Republike Srpske", br. 64/02) i člana 26. stav 1. tačka 2. Statuta Grada Sarajevo („Službene novine Kantona Sarajevo“, broj 34/08 – prečišćeni tekst), Gradsko vijeće Grada Sarajeva, na sjednici održanoj dana __. __.2019. godine donosi:

(prijedlog)

O D L U K U

o pokretanju postupka prestanka Društva sa ograničenom odgovornošću za realizaciju aktivnosti održavanja Zimskog Evropskog olimpijskog omladinskog festivala 2019. („EYOF 2019“ d.o.o.)

Član 1.

Grad Sarajevo kao suosnivač utvrđuje prestanak Društva sa ograničenom odgovornošću za realizaciju aktivnosti održavanja Zimskog Evropskog olimpijskog omladinskog festivala 2019., skraćeni naziv „EYOF 2019“ d.o.o., sa sjedištem u Istočno Sarajevo, Istočno Novo Sarajevo, ulica Stefana Nemanje broj 14, MBS 61-01-0018-14, MB 11111807, JIB 4403681910001.

Član 2.

Daje se ovlaštenje i saglasnost Gradonačelniku i Pravobranilaštvu Grada Sarajevo da u okviru svojih nadležnosti podnesu prijedlog, provedu postupak prestanka Društva sa ograničenom odgovornošću za realizaciju aktivnosti održavanja Zimskog Evropskog olimpijskog omladinskog festivala 2019. („EYOF 2019“ d.o.o. – skraćeni naziv) i njegovog brisanja iz Sudskog registra Okružnog privrednog suda Istočno Sarajevo.

Član 3.

Daje se ovlaštenje i saglasnost Gradonačelniku i Pravobranilaštvu Grada Sarajevo da u ime i za račun Grada Sarajevo kao suosnivača poduzmu sve ostale pravne, finansijske, administrativno-tehničke radnje i aktivnosti u cilju prestanka rada “EYOF 2019” d.o.o.

Član 4.

Ova Odluka stupa narednog dana od dana objavljivanja, a objavit će se u "Službenim novinama Kantona Sarajevo".

PREDSJEDAVALJUĆI GRADSKOG VIJEĆA

Igor dr. Gavrić

Broj:
Sarajevo, __. __.2019. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 176. Zakona o privrednim društvima Republike Srpske ("Službeni glasnik Republike Srpske", br. 127/2008, 58/2009, 100/2011, 67/2013 i 100/2017-Integralni tekst – prečišćeni tekst) kojim je između ostalog propisano da društvo sa ograničenom odgovornošću prestaje: a) istekom vremena određenog u osnivačkom aktu, b) odlukom skupštine članova i e) nastupanjem događaja određenog osnivačkim aktom ili ugovorom članova društva, zatim u članu 3. Zakona o likvidacionom postupku Republike Srpske ("Službeni glasnik Republike Srpske", br. 64/02) kojima je između ostalog propisano da se likvidacioni postupak sprovodi u slučajevima: 2. ako su prestali postojati prirodni i drugi uslovi za obavljanje djelatnosti; 3. ako je istekao rok za koji je pravno lice osnovano; 5. odlukom skupštine, odnosno članu 16. Zakona o likvidacionom postupku Republike Srpske kojim je propisano da se odredbe Zakona o stečajnom postupku shodno primjenjuju i na postupak likvidacije, kao i u članu 26. stav 1. tačka 2. Statuta Grada Sarajevo („Službene novine Kantona Sarajevo“, broj 34/08 – prečišćeni tekst) kojim je propisano da Gradsko vijeće Grada Sarajevo ima nadležnost da donosi odluke, druge propise i opće akte i daje njihovo tumačenje.

RAZLOZI DONOŠENJA

EYOF predstavlja najveći sportski olimpijski festival za mlade sportiste između 14 i 18 godina. Domaćin zimskog omladinskog festivala EYOF 2019 su bili gradovi Sarajevo i Istočno Sarajevo, a koji su zajednički osnovali Društvo sa ograničenom odgovornošću za realizaciju aktivnosti održavanja Zimskog Evropskog olimpijskog omladinskog festivala 2019. skraćeni naziv „EYOF 2019“ d.o.o. .

EYOF 2019 je uspješno održan u periodu od 09. do 16. februara 2019. godine. Kako je društvo EYOF 2019 d.o.o. namjenski osnovano u svrhu održavanja olimpijskog omladinskog festivala, proizilazi da je nakon održavanja istog prestao da postoji osnov za postojanje preduzeća, te je nužno pristupiti provođenju zakonskog postupka prestanka društva EYOF 2019 d.o.o.. Obzirom da je i Grad Istočno Sarajevo jedan od osnivača društva EYOF 2019. Skupština Grada Istočno Sarajevo će također donijeti Odluku o pokretanju postupka prestanka društva, te će zajednički sa Gradom Sarajevo kod nadležnog Okružnog privrednog suda u Istočnom Sarajevu pokrenuti odgovarajući postupak za prestanak rada EYOF 2019 d.o.o. i njegovo brisanje iz Sudskog registra.

FINANSIJSKA SREDSTVA

Finansijska sredstva za realizaciju ove Odluke obezbjeđena su u Budžetu Grada Sarajeva za 2019. godinu na poziciji konto 613- 900 Ugovorene uslugu-troškovi spora.